

隆慶四年四川鄉試錄

四川鄉試錄序

皇上御極之四載四川當論秀于

鄉維時巡按監察御史王時

舉寔司監臨先期聘四方文

學之臣既至以學正曾選岑

諫典試事教授黃行著顧學

仁施弘璉教諭艾善唐仲科

李

自發馮化

同考試提調則

左布政使楊

賢左叅政楊成

監試則按察使陸綸僉事吳

學詩暨諸執事咸慎簡以充

以八月七日入院申飭諸司

天公天明以圖稱塞迺合提

學副使勞堪所簡士二千有

奇鎖院三試之拔其雋得七
十人爲錄以

獻

選

謹序曰夫人文鍾于地靈會
于治運而其致用也必繇于
實學乃自古徵之矣蜀本奧
壤名區自神禹發祥後往往
多道德忠義事功文章之倫

至今可睹記云稽昔宋范鎮
氏謂蜀當西南陬曰興坤坤
爲文爲臣故世有方正之士
不虛哉夫臣之事君猶坤之
應乾也士詭于方正而欲弼
成上治以樹名于世非所聞
也我

皇上秉乾御極人文炳奕黎獻共

臣乃

宸衷所注慮猶惓惓然惟親賢之
爲急

御講幄以勤政本

幸大學以振儒風宇內之士蒸蒸
嚮應卽勳華之際無以踰者

爾多士稟興坤之秀以上贊

乾元之運茲非其邁會哉選既慶

諸士之有遭而縱觀所爲文

類能握靈吐奇直據胸中所

醞畜大都與所稱者相肖似

有其辭峻以整而抒挾其剛

大者必曰此蜀人士之持方

而弗隨者也有其辭典以則
而從容于矩度者必曰此蜀
人士之履正而弗回者也錄
之因諗諸同事者曰褻乎其
多文也豈地之所產則然哉
坤之文言曰美在其中暢於
四肢發於事業言文也地道

無成而代有終言臣也至跡
其指本則曰敬以直內義以
方外敬義立而德不孤其指
閔遠矣蓋空言調世非文也
委身弗貞非臣也脂韋時好
非方也朋比媒黷非正也故
臣必知敬則正不詭世知義

則方不矯俗徵之爲文則爲
至文體之爲臣則爲純臣卽
神禹之上贊勳華以垂休隆
者率是道爾顧今之所以執
筴而校者文也其錄以

獻者因文而覘其爲臣也夫華實
旣殊卽所覘者信皆如其文

矣乃其實詎可諒其如坤德
之所稱歟夫膠舟不渡雖載
曷庸玉卮無當雖美弗珍何
者以其無實用也士不務敬
義之實學徒以文進何以異
是爾多士繼自今其務自樹
立恢人文植臣紀以弼翊我

皇上體乾之治俾人稱之曰是興
坤精英之所儲奚翅古往而
代有其人如此豈惟多士永
有休問主司將藉以稱塞者
亦惟在是若乃不遡本實以
僥利爲才不崇心術以炫飭
爲華其有忝於山川之靈秀

而自負

昌時之所邁多矣爾多士其慎念
之哉是舉也巡撫右僉都御
史陳璘德猷丕顯文教聿彰
巡撫貴州兼督湖北川東地

方右僉都御史阮

文中

聞命方新先聲載道前巡撫右僉

都御史嚴清殫力綏懷燕及

士類巡按監察御史王廷瞻

懋樹風紀士習用勸今巡茶

御史楊相憲采遠揚士知嚮

風通政使司右叅議夏範行

人易倣之以使事至樂觀厥

成若綜理於外則左叅議郝

永貞 右叅議包汴副使薛曾

馬出圖黃宏宇僉事李江周

鳴埧李復聘田應弼防範於

外則署都指揮僉事槐寅咸

殫厥心力若右叅政郭斗副

使溫如春與勞于初以遷秩

行例得竝書云

河南南陽府裕州儒學學正

曾選謹序

1

1. The first part of the document is a list of names and titles, including "The Hon. Mr. Justice" and "The Hon. Mr. Justice".

21